

本  
漢書門類  
序錄全

漢書門類  
四〇八  
九  
九  
三〇  
冊架函號類

四〇八  
三〇  
二七  
二四

內閣文庫	
番號	漢 4008
冊數	30 ( 1 )
函號	277 235

宋本參校

日本翻刻享和元年辛酉  
發業文化六已卒業本文  
攷證并題額存原本真面  
目江戸書房慶元堂主人誌

經典釋文

乾隆辛亥重雕


抱經堂藏版

官版見本

淺草文庫

重雕經典釋文緣起

前 日講起居注官翰林院侍讀學士盧文弨撰  
此書雕版行於海內者止崑山徐氏通志堂經解中有之  
宋雕本不可見其影鈔者尙閒儲於藏書家余借以校對  
則宋本之譌脫反更甚焉當徐氏梓入經解時其撲塵掃  
葉誠不爲無功然有宋本是而或不得其意因而誤改者  
亦所不免且今之所貴於宋本者謂經屢寫則必不逮前  
時也然書之失真亦每由於宋人宋人每好逞臆見而改  
舊文如陸氏雖吳產而其所彙輯前人之音則不盡吳產  
也乃毛居正著六經正誤一書譏陸氏偏於土音因輒取  
他字以易之後人信其說遽以改本書矣又凡切音有音



和亦有類隔陸氏在當時或用類隔未嘗不可以得聲而後人疑其不諧亦復私爲改易注疏本多有之幸本書尙無恙然其浸淫以疑惑後人者不少矣古來所傳經典類非一本陸氏所見與賈孔諸人所見本不盡同今取陸氏書附於注疏本中非強彼以就此卽強此以就彼欲省兩讀翻致兩傷又本書中如孝經論語爾雅多以校者之詞羸入之今雖不遽刪削唯略爲之閒隔使有辨焉唐人經典多不全用說文陸氏意在隨時不取駭俗此書中閒亦引許氏以正流俗之非而不能畫一信從且有以俗字作正文而以正體爲附注者至其點畫之閒亦每失正觀唐人石經及五經文字所載皆是習相沿用今亦仍而不革

庶乎不損本真然於六朝人所用甚鄙俗字陸氏固未嘗闌入也余念此書闢經訓之蓄畬導後人以涂徑洗專己守殘之陋匯博學詳說之資先儒之精蘊賴以畱俗本之譌文賴以正實天地閒不可無之書也而年來流傳漸少學者不能盡見因爲之手校重雕第以遲暮之年精力慮有不周刻成猶再三校目幾爲之昏弗恤也其文舊皆連屬今審其可離者離之以便觀者書中是非及今所因革以嘗所聞於師友者別爲攷證附於當卷之後不以殺亂本書時

乾隆五十有六年歲在重光大淵獻九月旣望書於常州龍城書院之取斯堂

江寧劉文楷鑄字

經典釋文審定及校勘姓氏 不及次序

鎮洋畢秋帆先生

江都秦西巖先生

錢塘梁山舟先生

甘泉唐悔菴觀察 名侍陞

鹿邑梁偃坡觀察 名羣英

長白金鞏齋太守 名城

山陰李松雲太守 名堯棟

武進趙味辛中翰 名懷玉

江都秦敦夫太史 名恩復

金壇段懋堂明府 名玉裁

新會譚敷五明府 名大經

江都唐柘田明府 名仁壇

順德何日臨明府 名曾

吳江楊列歐進士 名復吉

錢塘梁處素孝廉 名履繩

東吳朱文游兄 名奐見借影鈔宋本

海鹽吳槎客兄 名騫

東吳嚴豹人兄 名蔚

桐鄉金雲莊兄 名德輿

吳縣袁又愷兄 名廷檣

杭州汪仲連兄 名璐

杭州汪季懷兄 名瑜

杭州孫仲芬兄 名傳會

蘇州許梅軒兄 名仁綬

靖江朱榮曾上舍 名基繹

杭州錢晴江老友 名潮

江寧孫嘉五及門 名祖瑞

武進臧在東及門 名鏞堂

武進李紳琦及門 名兆洛

武進顧子述及門 名明

江陰沙曉滄及門 名照

此書之體例與前書不同  
其間有及於前書者  
其間有及於前書者  
其間有及於前書者  
其間有及於前書者  
其間有及於前書者  
其間有及於前書者  
其間有及於前書者  
其間有及於前書者  
其間有及於前書者

經典釋文卷第一

序錄

唐國子博士兼太子中允贈齊州刺史吳縣開國男陸德明撰  
序

夫書音之作作者多矣前儒撰著光乎篇籍其來既久誠無閒然但降聖已還不免偏尚質文詳略互有不同漢魏迄今遺文可見或專出己意或祖述舊音各師成心製作如面加以楚夏聲異南北語殊是非信其所聞輕重因其所習後學鑽仰罕逢指要夫筌蹄所寄唯在文言差若毫釐謬便千里夫子有言必也正名乎名不正則言不順言不順則事不成故君子名之必可言也言之必可行也斯富哉言乎大矣盛矣無得而稱矣然人稟二儀之淳和含

五行之秀氣雖復挺生天縱必資學以知道故唐堯師於許由周文學於號叔上聖且猶有學而況其餘乎至於處鮑居蘭翫所先入染絲斲梓功在初變器成采定難復改移一薰一蕕十年有臭豈可易哉豈可易哉余少愛墳典留意藝文雖志懷物外而情存著述粵以癸卯之歲承乏上庠循省舊音苦其太簡況微言久絕大義愈乖攻乎異端競生穿鑿不在其位不謀其政既職司其憂寧可視成而已遂因暇景救其不逮研精六籍采摭九流搜訪異同校之蒼雅輒撰集五典孝經論語及老莊爾雅等音合爲三袂三十卷号曰經典釋文古今竝錄括其樞要經注畢詳訓義兼辯質而不野繁而非蕪示傳一家之學用貽後

嗣令奉以周旋不敢墜失與我同志亦無隱焉但代匠指南固取謂於博識既述而不作言其所用復何傷乎云爾

### 條例

先儒舊音多不音注然注既釋經經由注顯若讀注不曉則經義難明混而音之尋討未易今以墨書經本朱字辯注用相分別使較然可求舊音皆錄經文全句徒煩翰墨今則各標篇章於上摘字爲音慮有相亂方復具錄唯孝經童蒙始學老子衆本多乖是以二書特紀全句五經人所常習理有大宗義行於世無煩翫縷至於莊老讀學者稀故于此書微爲詳悉又爾雅之作本釋五經既解者不同故亦略存其異文字音訓今古不同前儒作音多不依

文一  
注注者自讀亦未兼通今之所撰微加斟酌若典籍常用  
會理合時便即遵承標之於首其音堪互用義可竝行或  
字有多音衆家別讀苟有所取靡不畢書各題氏姓以相  
甄識義乖於經亦不悉記其或音一音者蓋出於淺近示  
傳聞見覽者察其衷焉然古人音書止爲譬況之說孫炎  
始爲反語魏朝以降蔓衍寔繁世變人移音訛字替如徐  
仙民反易爲神石郭景純反餒爲羽鹽劉昌宗用承音乘  
許叔重讀皿爲猛若斯之儔今亦存之音內旣不敢遺舊  
且欲俟之來哲書音之用本示童蒙前儒或用假借字爲  
音更令學者疑昧余今所撰務從易識援引衆訓讀者但  
取其意義亦不全寫舊文典籍之文雖夫子刪定子思讀

詩師資已別而況其餘乎鄭康成云其始書之也倉卒無  
其字或以音類比方假借爲之趣於近之而已受之者非  
一邦之人人用其鄉同言異字同字異言於茲遂生矣戰  
國交爭儒術用息秦皇滅學加以坑焚先聖之風掃地盡  
矣漢興改秦之弊廣收篇籍孝武之後經術大隆然承秦  
焚書口相傳授一經之學數家競爽章句旣異踏駁非一  
後漢黨人旣誅儒者多坐流廢後遂私行金貨定蘭臺漆  
書經字以合其私文靈帝乃詔諸儒正定五經於石碑之  
上爲古文篆隸三體書法以相參檢樹之學門使天下取  
則未盈一紀尋復廢焉班固云後世經傳旣已乖離傳學  
者又不思多聞闕疑之義而務碎義逃難便詞巧說安其



所習毀所不見終以自弊此學者之大患也誠哉是言余  
既撰音須定紕繆若兩本俱用二理兼通今竝出之以明  
同異其涇渭相亂朱紫可分亦悉書之隨加刊正復有他  
經別本詞反義乖而又存之者示博異聞耳經籍文字相  
承已久至如悅字作說閑字爲閒智但作知汝止爲女若  
此之類今竝依舊音之然音書之體本在假借或經中過  
多或尋文易了則翻音正字以辯借音各於經內求之自  
然可見其兩音之者恐人惑故也尙書之字本爲隸古既  
是隸寫古文則不全爲古字今宋齊舊本及徐李等音所  
有古字蓋亦無幾穿鑿之徒務欲立異依傍字部改變經  
文疑惑後生不可承用今皆依舊爲音其字有別體則見

之音內然亦兼采說文字詁以示同異者也春秋人名字  
氏族及地名或前後互出或經傳更見如此之類不可具  
舉若國異名同及假借之字兼相去遼遠不容踈略皆斟  
酌折衷務使得宜爾雅本釋墳典字讀須逐五經而近代  
學徒好生異見改音易字皆采雜書唯止信其所聞不復  
考其本末且六文八體各有其義形聲會意寧拘一揆豈  
必飛禽即須安鳥水族便應著魚蟲屬要作虫旁草類皆  
從兩中如此之類實不可依今竝校量不從流俗方言差  
別固自不同河北江南最爲鉅異或失在浮清或滯於沈  
濁今之去取異祛茲弊亦恐還是轂音更成無辯夫質有  
精麤謂之好惡竝如字心有愛憎稱爲好惡上呼報反下烏路反當體

即云名譽

音預

論情則曰毀譽

音餘

及夫自敗

反薄邁

敗他

反補邁

之殊自壞

反呼怪

壞撤

怪音

之異此等或近代始分或古已為

別相仍積習有自來矣余承師說皆辯析之比人言者多

為一例如而靡異邪

不定之詞也

助詞

弗殊莫辨復

扶又反

復

音服反也

寧論過

古禾反

過

古臥反

又以登升共為一韻攻公

分作兩音如此之儔恐非為得將來君子幸留心焉五經

字體乖替者多至如龜鼉從龜亂辭從舌席下為帶惡上

安西析旁著片離邊作禹直是字譌不亂餘讀如寵

丑隴反

字為寵

力孔反

錫

思歷反

字為錫

音隈

用支

音普上反

代文

武云反

將无

音無

混无

音既

若斯之流便成兩失又來旁作力俗以為

約勅字說文以為勞俵之字水旁作曷俗以為飢渴字字

書以為水竭之字如此之類改便驚俗止不可不知耳

次第

五經六籍聖人設教訓誘機要寧有短長然時有澆淳隨病投藥不相沿襲豈無先後所以次第互有不同如禮記經解之說以詩為首七略藝文志所記用易居前阮孝緒七錄亦同此次而王儉七志孝經為初原其後前義各有旨今欲以著述早晚經義摠別以成次第出之如左

周易

雖文起周代而卦肇伏犧既處名教之初故易為七經之首周禮有三易連山久已歸藏不行於世故不詳錄

古文尚書

既起五帝之末理後三皇之經故次於易伏生所誦是曰  
今文闕謬處多故不別記馬鄭所有同異今亦附之音後  
毛詩

既起周文又兼商頌故在堯舜之後次於易書詩雖有四  
家齊魯韓世所不用今亦不取

三禮

周儀二禮竝周公所制宜次文王禮記雖有戴聖所錄然  
忘名已久又記二禮闕遺相從次於詩下三禮次第  
周爲本儀爲末先後可見然古有樂經謂之六籍滅亡既  
久今亦闕焉

春秋

既是孔子所作理當後於周公故次於禮左丘明受經於  
仲尼公羊高受之於子夏穀梁赤乃後代傳聞三傳次第  
自顯

孝經

雖與春秋俱是夫子述作然春秋周公垂訓史書舊章孝  
經專是夫子之意故宜在春秋之後七志以孝經居易之  
首今所不同

論語

此是門徒所記故次孝經藝文志及七錄以論語在孝經  
前今不同此次

老子

雖人不在末而衆家皆以爲子書在經典之後故次於論語

雖是子書人又最後故次老子

俞雅

俞雅周公復爲後人所益既釋於經又非次故殿末焉衆家皆以俞雅居經典之後在諸子之前今微爲異

注解傳述人

宓犧氏之王天下仰則觀於天文俯則察於地理觀鳥獸之文與地之宜近取諸身遠取諸物始畫八卦或云因河圖而畫八卦因而重之爲六十四文王拘於羑里作卦辭周公作文

辭孔子作彖辭象辭文言繫辭說卦序卦雜卦是爲十翼

班固曰孔子晚而好易讀之韋編三絕而爲之傳傳即十

翼也先儒說重卦及爻辭爲十翼不同解見余所撰自魯商瞿子木受易於孔

子以授魯橋庇子庸子庸授江東馯戶旦反徐廣音寒臂子弓子

弓授燕周醜子家子家授東武孫虞子乘子乘授齊田何

子莊高士傳云字莊漢書儒林傳云臨淄人及秦燔書易爲卜筮之書獨不

禁故傳授者不絕漢興田何以齊田徙杜陵號杜田生授

東武王同子中及洛陽周王孫梁人丁寬字子襄事田何復從周王孫受

古義作易說三萬言訓故舉大誼而已齊服生劉向別錄云齊人号

服皆著易傳漢初言易者本之田生同授淄川楊何字叔

作字叔元寬授同郡碭田王孫王孫授施讎及孟喜梁丘

賀由是有施孟梁丘之學焉施雠字長卿沛人爲博士傳易授張禹

字子文河內軹人徙家蓮勺以論語授成帝官至丞相安昌侯及琅邪魯伯會稽太守禹受淮

陽彭宣字子佩大司空長平侯作易傳及沛戴崇字子平少府作易傳伯授太山毛

莫如字少路常山太守及琅邪邴丹字曼容後漢劉昆字桓公陳留東昏人侍中

弘農太守受施氏易於沛人戴賓其子軼字君文官至宗正孟喜

字長卿東海蘭陵人曲臺署長丞相掾父孟卿善爲禮春秋孟卿以禮經多

春秋煩雜乃使喜從田王孫受易喜爲易章句授同郡白

光字少子及沛翟牧字子况後漢注丹字子玉南陽育陽人世傳孟氏易作易通論七

篇官至大鴻臚雋陽鴻字孟孫中山人少府任安字定祖廣漢縣竹人皆傳孟氏易梁

丘賀字長翁琅邪諸人少府本從太中大夫京房受易房淄川楊何弟子後

更事田王孫傳子臨黃門郎少府臨傳五鹿充宗字君孟代郡人少府玄菟

太守及琅邪王駿王吉子御史大夫充宗授平陵士孫張字仲方博土揚州牧

光祿大夫給事及沛鄧彭祖字長夏真定太守齊衡咸字長賓王莽講學大

夫後漢范升代郡人博士傳梁丘易一本作傳孟氏易以授京兆楊政

字子行左中郎將又潁川張興字君上太子少傅傳梁丘易弟子著錄且

萬人子魴傳其業魴官至張掖屬國都尉京房字君明東郡頓丘人本姓李推律自定爲

京至魏郡太守受易梁人焦延壽字延壽名贛延壽云嘗從孟喜問易

會喜死房以延壽易即孟氏學翟牧白生不肯曰非也延

壽嘗曰得我術以己身者京生也房爲易章句說長於災

異以授東海段嘉漢書儒林傳作殷嘉及河東姚平河南乘弘一本作桑

弘皆爲郎博士由是前漢多京氏學後漢戴馮字次仲汝南平輿人

侍中兼領虎賁中郎將孫期字仲奇濟陰成武人魏滿字叔牙南陽人弘農太守

竝傳之費直

字長翁東萊人單父令

傳易授琅邪王璜

字平仲又傳古文尚書

為費氏學本以古字號古文易無章句徒以彖象繫辭文

言解說上下經

七錄云直易章句四卷殘缺

漢成帝時劉向典校書考

易說以為諸易家說皆祖田何楊叔元丁將軍大義略同

唯京氏為異向又以中古文易經校施孟梁丘三家之易

經或脫去無咎悔已唯費氏經與古文同范曄後漢書云

京兆陳元

字長孫司空南閣祭酒兼傳左氏春秋

扶風馬融

字季長茂陵人南郡太守議郎

為易傳又注尚書

河南鄭眾

字仲師大司農兼傳毛詩周禮左氏春秋

北海鄭

玄

字康成高密人師事馬融大司農徵不至還家凡所注易尚書三禮論語尚書大傳五經中候箋毛氏作毛詩

譜駁許慎五經異議鍼何休左氏膏肓去公羊墨守起穀梁廢疾休見大慙

潁川荀爽

字慈明官至司空

空為易言竝傳費氏易沛人高相治易與費直同時其易亦無

章句專說陰陽災異自言出丁將軍傳至相相授子康

以康

明易為郎

及蘭陵母將永

豫章都尉

為高氏學漢初立易楊氏博士

宣帝復立施孟梁丘之易元帝又立京氏易費高二家不

得立民間傳之後漢費氏興而高氏遂微永嘉之亂施氏

梁丘之易已孟京費之易人無傳者唯鄭康成王輔嗣所

注行於世

江左中興易唯置王氏博士太常荀崧奏請置鄭易博士詔許值王敦亂不果立

而王

氏為世所重今以王為主其繫辭已下王不注相承以韓

康伯注續之今亦用韓本

子夏易傳三卷

十商字子夏衛人孔子弟子魏文侯師七略云漢興韓嬰傳中經簿錄云丁寬所作

張璠云或駢臂子弓所作

孟喜章句十卷

無上經七錄云薛虞記虞不詳何許人又下經無旅至

節無京房章句十二卷

七錄云十卷錄一卷目

費直章句四卷

殘馬

融傳十卷七錄云荀爽注十卷七錄云鄭玄注十卷錄云

錄云十卷劉表章句五卷字景升山陽高平人後漢鎮南將軍荆州牧南陽侯中經簿錄云注

易十卷七錄云宋衷注九卷字仲子南陽章陵人後漢荆州刺史

卷虞翻注十卷字仲翔會稽餘姚人後漢侍御史陸績述十三卷字公紀吳郡吳

太守七志云錄一卷董遇章句十二卷字季直弘農華陰人魏侍中大司農

七志七錄王肅注十卷字子邕東海蘭陵景侯又注尚書禮容服論

並云十卷王弼注七卷字輔嗣山陽高平人魏注

注作聖證論難鄭玄王弼注七卷尚書郎年二十四卒注

又注老子七志云注易十卷姚信注十卷字德祐七錄

興人吳太常卿王虞注十二卷字世將琅邪臨沂人東晉

七錄云十卷張璠集解十二卷安定人東晉秘書郎參著

向秀字子期河內人晉散騎常侍為易義庾運字玄度新

野人官至尚書為易義一云易注應貞字吉甫汝南人晉

散騎常侍為明易論荀煇字景文潁川潁陰人晉太子中

庶子為易義七志云注易十卷張輝字義元梁國人晉侍

中平陵亭侯為易義王宏字正宗弼之兄晉大司農贈太

常為易義阮咸字仲容陳留人籍之子晉太子中庶子馮翊

太守為易義揚父字玄舒汝南人晉司徒左長史為易封

序論王濟字武子太原人晉河南尹為易義衛瓘字伯玉

河東人晉太保蘭陵成侯為易義樂肇字永初太山人晉

祭酒為易統略杜育字方叔襄城人國子祭酒為易義楊

璜不知何許人晉司徒右長史為易義張軌字士彥安定

人涼州刺史謚武公為易義裴藻許適楊藻四人晉臣城

令為通知來藏往論邢融裴藻許適楊藻四人晉臣城

並為易義七錄云集二千寶注十卷字令升新蔡人東晉

黃穎注十卷南海人晉廣蜀才注十卷七錄云不詳何人

人案蜀李書云姓范名長生一名賢隱尹濤注六卷不詳

爽者以為主故也其序有荀爽京房馬融鄭玄宋衷虞翻  
陸績姚信崔子玄子玄不詳何人為易義注內又有張氏  
朱氏並不謝字方石陳郡人韓伯字康伯潁川人袁悅  
之字元禮陳郡人桓玄字敬道譙國龍卜伯玉濟陰人  
太守黃荀柔之潁川潁陰人徐爰字季玉琅邪人顧權字  
門郎或云字玄平吳郡人明僧紹字承烈平原人劉瓛字  
齊太學博士徵不起  
珪沛國人齊步兵校尉不拜諡  
貞簡先生七錄云作繫辭義疏  
辭為易音者三人王肅已見前李軌字弘範江夏人東晉  
東晉中書侍郎  
太子前衛率

右易近代梁褚仲都陳周弘正弘正作老莊義  
射諡簡子並作易義此其知名者  
疏官至尚書僕

書者本王之号令右史所記孔子刪錄斷自唐虞下訖秦

穆典謨訓誥誓命之文凡百篇而為之序及秦禁學孔子

之末孫惠壁藏之家語云孔騰字子襄畏秦法峻急藏尚

藏傳以為漢興欲立尚書無能通者聞濟南伏生名勝故

傳之文帝徵時年已九十餘不能行於是詔太常使掌

故晁錯受焉古文官書云伏生年老不能正伏生失其本

經口誦二十九篇傳授漢書云伏生為秦禁書壁藏之漢

十九篇以教齊魯之間以其上古之書謂之尚書鄭玄以為孔子撰

書尚者上也蓋言若天書然王肅伏生授濟南張生千乘

歐陽生字和伯生授同郡兒寬御史大夫寬又從孔安國受業

以授歐陽生之子歐陽大小夏侯歐陽氏世傳業至曾孫

高作尚書章句為歐陽氏學高孫地餘字長賓侍以書授



元帝傳至歐陽歙字正思後漢大司徒歙以上八世皆為博士濟南

林尊字長賓為博士論石渠受尚書於歐陽高以授平當

字子思下邑人徙平陵官至丞相封侯子晏亦明經至大司徒及陳翁生梁人信都太傅家世傳業翁

生授殷崇琅邪人及龔勝字君賓楚人右扶風當授朱普字公文九江人為博

士及鮑宣字子都勃海人官至司隸後漢濟陰曹曾字伯山諫大夫受業於歐

陽歙傳其子社河南尹又陳留陳弁字叔明受業於丁鴻樂安牟長字君

高河內太守中散大夫竝傳歐陽尚書沛國桓榮字春卿太子太傅太常五更關內侯

受尚書於朱普東觀漢紀云榮事九江朱文文即普字以授漢明帝遂世相

傳東京最盛漢紀云門生為公卿者甚眾學者慕之以為法榮子郁以書授章帝而官至侍中太常郁

子焉復以書授安帝張生濟南人為博士授夏侯都尉魯人都尉傳

族子始昌始昌通五經以齊詩尚書教授為昌邑太傅始昌傳族子勝字長公後屬東

平長信少府太子太傅勝從始昌受尚書及洪範五行傳說災異又

事同郡簡卿卿者兒寬門人又從歐陽氏問為學精熟所

問非一師善說禮服受詔撰尚書論語說藝文志夏侯勝尚書章句二十

九卷號為大夏侯氏學傳齊人周堪堪字少卿太子少傅光祿勳及魯國

孔霸字次鴉孔子十三世孫為博士以書授元帝官至太中大夫關內侯號褒成君霸傳子光字

夏丞相博山侯堪授魯國牟卿為博士及長安許商字伯長四至九

卿善筭著商授沛唐林字子高王莽時為九卿及平陵吳章字伯長王莽時

士重泉王吉字少音王莽時為九卿齊炆欽字幼卿王莽時後漢北海牟

融亦傳大夏侯尚書夏侯建字長卿勝從父兄子為博士議郎太子少傅師事

夏侯勝及歐陽高左右采獲又從五經諸儒問與尚書相

出入者牽引以次章句為小夏侯氏學傳平陵張山拊字長

賓為博士論石渠至少府山拊授同縣李尋字子長及鄭寬中字少君

授成帝官至光祿大夫領尚書事關內侯山陽張無故字子孺廣陵太傅信都秦恭字延

師法至百萬言君城陽內史增陳留假倉字子驕以謁者論寬中授東郡

趙玄御史大夫無故授沛唐尊王莽太傅恭授魯馮賓為博後漢東

海王良亦傳小夏侯尚書漢宣帝本始中河內女子得泰

誓一篇獻之與伏生所誦合三十篇漢世行之然泰誓年

月不與序相應又不與左傳國語孟子眾書所引泰誓同

馬鄭王肅諸儒皆疑之漢書儒林傳云百兩篇者出東萊

張霸分析合二十九篇以為數十又采左傳書序為作首

尾凡百二篇篇或數簡文意淺陋成帝時劉向校之非是

後遂黜其書古文尚書者孔惠之所藏也魯恭王壞孔子

舊宅漢景帝程姬之子名於壁中得之并禮論語孝經皆

科斗文字博士孔安國字子國魯人孔子十二世孫受詩於魯申公官至諫大夫臨淮太守

以校伏生所誦為隸古寫之增多伏生二十五篇藝文志云

六篇又伏生誤合五篇凡五十九篇為四十六卷藝文志云

經四十六卷五十七篇安國又受詔為古文尚書傳值武帝末巫蠱

事起經籍道息不獲奏上藏之私家安國并作古文論語古文孝經傳藝文志

云安國獻尚書傳遭巫蠱事未列於學官以授都尉朝司馬遷亦從安國問故

遷書多古文說劉向以中古文校歐陽大小夏侯三家經

文脫誤甚眾藝文志云酒誥脫簡一召誥脫簡都尉朝授

膠東庸生名譚亦庸生授清河胡常字少子以明穀梁春秋為博士至部刺史

又傳左常授號徐敖右扶風掾敖授琅邪王璜及平陵塗

氏春秋又傳毛詩

憚字子真授河南乘欽字君長一本作桑欽王莽時諸學皆立憚璜

等貴顯范曄後漢書云中興扶風杜林傳古文尙書賈逵

字景伯扶風人左中郎將侍中爲之作訓馬融作傳鄭玄注解由是古文

尙書遂顯于世案今馬鄭所注竝伏生所誦非古文也孔

氏之本絕是以馬鄭杜預之徒皆謂之逸書王肅亦注今

文而解大與古文相類或肅私見孔傳而祕之乎江左中

興元帝時豫章內史枚瓚字仲真汝南人奏上孔傳古文尙書亡

舜典一篇購不能得乃取王肅注堯典從脊徽五典以下

分爲舜典篇以續之孔序謂伏生以舜典合於堯典孔傳堯典止於帝曰往欽哉而馬鄭王之

本同爲堯典故取爲舜典學徒遂盛後范甯字武子順陽人東晉豫章太守兼注穀梁變爲

今文集注俗閒或取舜典篇以續孔氏齊明帝建武中吳

興姚方興采馬王之注造孔傳舜典一篇云於大旃頭買

得上之梁武時爲博士議曰孔序稱伏生誤合五篇皆文

相承接所以致誤舜典首有曰若稽古伏生雖昏老何容

合之遂不行用漢始立歐陽尙書宣帝復立大小夏侯博

士平帝立古文永嘉喪亂衆家之書竝滅亡而古文孔傳

始興置博士鄭氏亦置博士一人近唯崇古文馬鄭王注

遂廢今以孔氏爲正其舜典一篇仍用王肅本

孔安國古文尙書傳十三卷馬融注十一卷字季長鄭玄注

九卷王肅注十卷謝沈注十五卷字行思會稽人東晉尙書祠部郎領著作錄一

卷李顥注十卷字長林江夏人東晉本郡太守范甯集解十卷姜道盛集

解十卷天水人宋給事中尙書大傳三卷伏生爲尙書音者四

人孔安國鄭玄李軌徐邈案漢人不作音後人所託

右尚書梁國子助教江夏費翺作義疏行於世

詩者所以言志吟詠性情以諷其上者也古有采詩之官

王者巡守則陳詩以觀民風知得失自考正也動天地感

鬼神厚人倫美教化移風俗莫近乎詩是以孔子最先刪

錄既取周詩上兼商頌凡三百一十一篇毛公為故訓時已已六篇故藝

文志云三百五篇以授子夏子夏遂作序焉或曰毛公作序解見口以相

傳未有章句戰國之世專任武力雅頌之聲為鄭衛所亂

其廢絕亦可知矣遭秦焚書而得全者以其人所諷誦不

專在竹帛故也漢興傳者有四家魯人申公亦謂申培公楚王大傳武

帝以安車蒲輪徵之時申公年八十餘以為大中大夫受詩於浮丘伯以詩經為訓

故以教無傳疑者則闕不傳号曰魯詩弟子為博士者十

餘人郎中令王臧蘭陵人御史大夫趙綰代臨淮太守孔安

國膠西內史周霸城陽內史夏寬東海太守魯賜人長沙

內史繆生蘭陵人膠西中尉徐偃膠東內史闕門慶忌鄒人皆

申公弟子也申公本以詩春秋授瑕丘江公盡能傳之徒

眾最盛魯許生免中徐公免中縣名皆守學教授丞相韋賢受

詩於江公及許生傳子玄成賢字長孺玄成字少翁父子並為丞相封扶陽侯又治禮

論語玄成兄子賞以詩授哀帝大司馬車騎將軍又王氏字翁思東平新受詩於

免中徐公及許生以授張生長安名長安字幼君山陽人為博士論石渠至淮陽

中及唐長賓東平人為博士楚王太傅褚少孫沛人為博士褚氏家傳云即續史記褚先生

張生兄子游卿諫大夫以詩授元帝傳王扶琅邪人泗水中尉扶授

許晏陳留人又薛廣德字長卿沛國相受詩于王式授龔

舍字君倩楚國齊人轅固生漢景帝時為博士至清河太傅作詩傳号齊

詩傳夏侯始昌始昌授后蒼字近君東海鄉人通蒼授翼

奉字少君東海下邳及蕭望之字長倩東海蘭陵人御史大夫前將軍兼傳論語

匡衡字稚圭東海承人丞相樂安侯子衡授師丹字公仲琅邪人

大司空及伏理字游君高密太滿昌字君都潁川人詹事昌授張邯九江

人及皮容琅琊皆至大官徒眾尤盛後漢陳元方亦傳齊

詩燕人韓嬰漢文帝時為博士至常山太傅推詩之意作內外傳數方言

号曰韓詩淮南賁生受之武帝時嬰與董仲舒論於上前

仲舒不能難嬰又為易傳燕趙閒好詩故其易微唯韓氏自傳之其孫商為博士孝

宣時涿韓生其後也河內趙子事燕韓生授同郡蔡誼以誼

詩授昭帝至丞相封侯誼授同郡食子公為博士及琅邪王吉字子陽王駿父

昌邑中尉諫大夫吉兼五經能為鄒氏春秋以詩論教授子公授太山栗豐部刺史吉授

淄川長孫順為博士豐授山陽張就順授東海髮福一本作

竝至大官藝文志云齊韓詩或取春秋采雜說咸非其本

義魯最為近之毛詩者出自毛公河閒獻王好之徐整字

操豫章人吳太常卿云子夏授高行子高行子授薛倉子薛倉子授

帛妙子帛妙子授河閒人大毛公毛公為詩故訓傳於家

以授趙人小毛公一云名萇小毛公為河閒獻王博士以不在

漢朝故不列於學一云子夏傳曾申字子西魯人曾參之子申傳魏

人李克克傳魯人孟仲子鄭玄詩譜云子思之弟子孟仲子傳根牟子

根牟子傳趙人孫卿子孫卿子傳魯人大毛公漢書儒林

傳云毛公趙人治詩為河閒獻王博士授同國貫長卿徐整

作長長卿授解延年為阿武令詩譜云齊人延年授號徐敖教授九

江陳俠王莽講學大夫或云陳俠傳謝曼卿元始五年公車徵說

詩後漢鄭眾賈逵傳毛詩馬融作毛詩注鄭玄作毛詩箋

申明毛義難三家於是三家遂廢矣魏太常王肅更述毛

非鄭荆州刺史王基字伯與東萊人駁王肅申鄭義晉豫州刺史

孫毓字休朗北海平昌人長沙太守為詩評評毛鄭王肅三家同異於

王徐州從事陳統字元方難孫申鄭宋徵士鴈門周續之字道

祖及雷次宗俱事廬山惠遠法師豫章雷次宗字仲倫宋通直郎徵不起齊沛國劉瓛

竝為詩序義前漢魯齊韓三家詩列于學官平帝世毛詩

始立齊詩久亡魯詩不過江東韓詩雖在人無傳者唯毛

詩鄭箋獨立國學今所遵用

毛詩故訓傳二十卷鄭氏箋馬融注十卷無下王肅注二十

卷謝沈注二十卷江熙注二十卷字太和濟陽人東晉兗州別駕鄭玄詩

譜二卷徐整暢大孫毓詩同異評十卷陸璣毛詩草木鳥

獸蟲魚疏二卷字元恪吳郡人吳太子中庶子烏程令為詩音者九人鄭玄

徐邈蔡氏孔氏阮侃王肅江惇干寶李軌阮侃字德恕陳留人河內太守

江惇字思俊河內人東晉徵士蔡氏孔氏不詳何人

右詩梁有桂州刺史清河崔靈恩集眾解為毛

詩集注二十四卷俗閒又有徐爰詩音近吳興

沈重亦撰詩音義

安上治民莫善於禮鄭子太叔云夫禮天之經地之義民

之行也左傳云禮所以經國家定社稷序民人利後嗣者也禮教之設其源遠哉帝王質文世有損益至於周公代時轉浮周公居攝曲爲之制故曰經禮三百威儀三千及周之衰諸侯始僭將踰法度惡其害已皆滅去其籍自孔子時而不具矣孔子反魯乃始刪定值戰國交爭秦氏坑焚惟故禮經崩壞爲甚漢興有魯高堂生傳士禮十七篇即今之儀禮也而魯徐生善爲容孝文時爲禮官大夫景帝時河間獻王好古得古禮獻之鄭六藝論云後得孔氏壁中河間獻王古文禮五十六篇記百三十一篇周禮六篇其十七篇與高堂生所傳同而字多異劉向別錄云古文記二百四篇藝文志曰禮古經五十六篇出于魯淹中蘇林云淹中里名或曰河間獻王開獻書之路時有李氏上周官五篇失事官一篇乃購千金不得取考工

記以補之瑕丘蕭奮以禮至淮陽太守授東海孟卿孟喜父

卿授同郡后蒼及魯間丘卿其古禮經五十六篇蒼傳十

七篇所餘三十九篇以付書館名爲逸禮蒼說禮數万言

号曰后蒼曲臺記在曲臺校書著孝宣之世蒼爲最明蒼

授沛間人通漢字子方以太子舍人及梁戴德字延君号大戴信都

太戴聖字次君号小戴以博士沛慶普字孝公東平太傅由是禮

有大小戴慶氏之學普授魯夏侯敬又傳族子咸豫章太守大

戴授琅邪徐良字旂卿爲博士州牧郡守家世傳業小戴授梁人橋仁字季卿大

鴻臚家及楊榮字子孫琅邪太守王莽時劉歆爲國師始建立周

官經以爲周禮河南綏氏杜子春受業於歆還家以教門

徒好學之士鄭興父子興字少贛河南人後漢太中等夫子衆已見前竝作周禮解詁

多往師之賈景伯亦作周禮解詁禮記者本孔子門徒共撰所聞以為此記後人通儒各有損益故中庸是子思伋所作緇衣是公孫尼子所制鄭玄云月令是呂不韋所撰盧植字子幹涿郡人後漢北中郎將九江太守云王制是漢時博士所為陳邵字節良下邳人晉司空長史周禮論序云戴德刪古禮二百四篇為八十五篇謂之大戴禮戴聖刪大戴禮為四十九篇是為小戴禮漢劉向別錄有四十九篇其篇次與今禮記同名為他家書拾撰所取不可謂之小戴禮後漢馬融盧植考諸家同異附戴聖篇章去其繁重及所敘略而行於世即今之禮記是也鄭玄亦依盧馬之本而注焉范曄後漢書云中興鄭眾傳周官經後馬融作周官傳授鄭玄玄作周官注鄭注引杜子春鄭大夫鄭司農之義鄭玄三禮目錄云二鄭信同宗之大儒今贊而

之辨玄本治小戴禮後以古經校之取其於義長者順者故為鄭氏學玄又注小戴所傳禮記四十九篇通為三禮焉漢初立高堂生禮博士後又立大小戴慶氏三家王莽又立周禮後漢三禮皆立博士今慶氏曲臺久亡大戴無傳學者唯鄭注周禮儀禮禮記並列學官而喪服一篇又別行於世今三禮俱以鄭為主馬融注周官十二卷鄭玄注十二卷王肅注十二卷于寶注十三卷

右周禮

鄭玄注儀禮十七卷馬融王肅孔倫字敬序會稽人東晉廬陵太守集眾家注陳銓不詳何人裴松之字士期河東人宋太中大夫西鄉侯雷次宗蔡超字希遠濟陽人



宋丞相諮議參軍田儁之字僧紹馮翊人劉道拔彭城人宋海豐令周續之自馬融以下竝注喪服

右儀禮

盧植注禮記二十卷鄭玄注二十卷王肅注三十卷孫炎

注二十九卷字叔然樂安人魏秘書監徵不就業遵注十五卷字長儒燕人宋奉朝

請庾蔚之略解十卷字季隨潁川人宋貞外常侍

右禮記

鄭玄三禮音各一卷王肅三禮音各一卷七錄唯云撰禮記李軌周禮儀禮音各一卷禮記音三

卷劉昌宗周禮儀禮音各一卷禮記音五卷徐邈周禮音一卷七錄無禮記音三卷射慈

字孝宗彭城人吳中書侍郎齊王傅禮記音一卷謝楨不詳何人禮記音一卷孫毓禮記音一卷

繆炳禮記音一卷曹耽字愛道譙國人東晉安北諮議參軍禮記音二卷尹毅天水人東晉國

子助教禮記音二卷蔡謨字道明濟陽考城人晉司徒文穆公禮記音二卷范宣字宣子濟陽人東晉

右作音人近有戚袞作周禮音沈重撰周禮禮

記音梁國子助教皇侃撰禮記義疏五十卷又

傳喪服義疏竝行於世

古之王者必有史官君舉則書所以慎言行昭法式也諸侯亦有國史春秋即魯之史記也孔子應聘不遇自衛而歸西狩獲麟傷其虛應乃與魯君子左丘明觀書於太史氏因魯史記而作春秋上遵周公遺制下明將來之法褒善黜惡勒成十二公之經以授弟子弟子退而異言丘明

恐弟子各安其意以失其真故論本事而為之傳明夫子

不以空言說經也春秋所貶損人當世君臣其事實皆形

於傳故隱其書而不宣所以免時難也及末世口說流行

故有公羊名高齊人子夏弟穀梁名赤魯人糜信云與秦

字元始風俗通鄒氏王吉善鄒夾氏之傳鄒氏無師夾氏

有錄無書故不顯于世桓譚新論云左氏傳遭戰國寢藏

略多有遺文又有齊人公羊漢興齊人胡毋生字子都景

高緣經文作傳彌失本事趙人董仲舒官至江都並

士年老歸教于齊齊之言春秋治公羊春秋蘭陵褚大梁東平臧公諫大廣川段仲溫呂

步舒步舒丞皆仲舒弟子臧公守學不失師法授東海孟

卿及魯眭弘字孟符弘授嚴彭祖字公子東海下邳人為

節令博士至左馮翊太子太

傳及顏安樂字翁孫魯國薛人也孟由是公羊有嚴顏之

學弘弟子百餘人常曰春秋之意在二子矣彭祖授琅邪

王中少府家中授同郡公孫文東平太傅及東門雲荊州

安樂授淮陽泠豐字次君菑及淄川任翁少府豐授大司徒

馬宮字游卿東海戚及琅邪左咸郡守九卿始貢禹字少

邪人御事臧公而成於眭孟以授潁川堂谿惠惠授泰山

冥都丞相又踈廣字仲翁東海蘭事孟卿以授琅邪筦路

筦路及冥都又事顏安樂路授大司農孫寶字子嚴潁

丘江公受穀梁春秋及詩於魯申公武帝時為博士傳子

皆為使與董仲舒論江公訥於口而丞相公孫弘本為公

羊學比輯其義卒用董生於是上因尊公羊家詔太子受

衛太子復私問穀梁而善之其後浸微唯魯榮廣字王浩

星公二人受焉廣盡能傳其詩春秋蔡千秋字少君諫大夫郎中戶將

梁周慶字幼君丁姓字子孫至中山太傅皆從廣受千秋又事浩星公

為學最篤宣帝即位聞衛太子好穀梁乃詔千秋與公羊

家竝說上善穀梁說後又選郎十人從千秋受會千秋病

死徵江公孫為博士詔劉向受穀梁欲令助之江博士復

死乃徵周慶丁姓待詔使卒授十人十餘歲皆明習乃召

五經名儒太子太傅蕭望之等大議殿中平公羊穀梁同

異時公羊博士嚴彭祖侍郎申輓伊推宋顯穀望之等多

從穀梁由是大盛慶姓皆為博士姓授楚申章昌曼君為博

士至長初尹更始字翁君汝南邵陵人議事蔡千秋又受

左氏傳取其變理合者以為章句傳子咸大司農及翟方進

字子威汝南上蔡人丞相封侯房鳳字子元琅邪不其人光祿大夫五官中郎將青州牧始江博士

授胡常常授梁蕭秉字君房王莽時為講學大夫

左丘明作傳以授曾申申傳衛人吳起魏文侯相起傳其子期

期傳楚人鐸椒楚太傅椒傳趙人虞卿趙相卿傳同郡荀卿名

況況傳武威張蒼漢丞相北平侯蒼傳洛陽賈誼長沙梁王太傅誼傳至

其孫嘉嘉傳趙人貫公漢書云賈誼授貫公為河間獻王博士貫公傳其少

子長卿蕩陰令長卿傳京兆尹張敞字子高河東平陽人徙杜陵及侍御

史張禹字長子清河人禹數為御史大夫蕭望之善左氏望之善

之薦禹徵待詔未及問會病死禹傳尹更始更始傳其子

咸及翟方進胡常常授黎陽賈護字季君哀帝時待詔為郎護授蒼梧

陳欽字子伏以左氏授王莽至將軍漢書儒林傳云漢興北平侯張蒼及

梁太傅賈誼京兆尹張敞大中大夫劉公子皆修春秋左

氏傳始劉歆字子駿向之子王莽國師從尹咸及翟方進受左氏哀帝時歆

與房鳳王龔欲立左氏為師丹所奏不果平帝世始得立由是言左氏者本之賈護劉

歆歆授扶風賈徽字元伯後漢潁陰令作春秋條例二十一卷徽傳子遠遠受

詔列公羊穀梁不如左氏四十事奏之名曰左氏長義章

帝善之遠又作左氏訓詁司空南閣祭酒陳元作左氏同

異大司農鄭眾作左氏條例章句南郡太守馬融為三家

同異之說京兆尹延篤字叔堅南陽人受左氏於賈遠之孫伯升

因而注之汝南彭汪字仲博記先師奇說及舊注太中大夫

許淑字惠卿魏郡人九江太守服虔字子慎河南人侍中孔嘉字山甫魏

司徒王朗字景興肅之父荊州刺史王基大司農董遇徽士燉煌

周生烈竝注解左氏傳梓潼李仲欽著左氏指歸陳郡穎

容字子嚴後漢公車徵不就作春秋條例又何休字邵公任城人後漢諫大夫作左

氏膏肓公羊墨守穀梁癆疾鄭康成鍼膏肓發墨守起癆

疾自是左氏大興漢初立公羊博士宣帝又立穀梁平帝

始立左氏後漢建武中以魏郡李封為左氏博士羣儒蔽

固者數廷爭之及封卒因不復補和帝元興十一年鄭興

父子奏上左氏乃立於學官仍行於世迄今遂盛行二傳

漸微江左中興立左氏傳杜氏服氏博士太常荀崧奏請立二傳博士詔許立公羊云穀梁膚淺不足立博士

王敦亂竟不果立左氏今用杜預注公羊用何休注穀梁用范甯

注二傳近代無講者恐其學遂絕故為音以示將來

士燮注春秋經十一卷字彥威蒼梧人吳賈逵左氏解詁

三十卷服虔解詁三十卷王肅注三十卷董遇章句三十

卷杜預經傳集解三十卷字元凱京兆杜陵人晉鎮南大將軍開府儀同三司當陽穆侯

孫毓注二十八卷杜預春秋釋例十五卷四十篇服虔音

一卷魏高貴鄉公音三卷曹髦字士嵇康音三卷字叔夜譙國人

晉中散大夫杜預音三卷李軌音三卷荀訥音四卷字世言新蔡人東晉

尚書左民郎徐邈音三卷

右左氏梁東宮學士沈文何撰春秋義疏闕下

秩陳東宮學士王元規續成之元規又撰春秋

音

何休注公羊十二卷王愆期注十二卷字門子河東人東晉散騎常侍辰陽

伯高龍注十二卷字文范陽人東晉河南太守孔衍集解十四卷字舒元魯

人東晉廣陵相李軌音一卷江惇音一卷

右公羊

尹更始穀梁章句十五卷唐固注十二卷字子正丹陽人吳尚書僕射

糜信注十二卷字南山東海人魏樂平太守孔衍集解十四卷徐邈注

十二卷徐乾注十三卷字文祚東莞人東晉給事中范甯集注十二卷

段肅注十二卷不詳何人胡訥集解十卷

右穀梁

孝經者孔子為弟子曾參說孝道因明天子庶人五等之

孝事親之法亦遭焚燼河間人顏芝為秦禁藏之漢氏尊

學芝子貞出之是為今文長孫氏博士江翁少府后蒼諫

大夫翼奉安昌侯張禹傳之各自名家凡十八章又有古文出于孔氏壁中別有闡門一章自餘分析十八章摠爲二十二章孔安國作傳劉向校書定爲十八後漢馬融亦作古文孝經傳而世不傳世所行鄭注相承以爲鄭玄案鄭志及中經簿無唯中朝穆帝集講孝經云以鄭玄爲主檢孝經注與康成注五經不同未詳是非江左中興孝經論語共立鄭氏博士古文孝經世既不行今隨俗用鄭注十八章本

孔安國馬融鄭衆鄭玄王肅蘇林字孝友陳留人何晏字平叔南陽人魏吏部尚

書駙馬都尉關內侯劉邵字孔才廣平人魏韋昭字弘嗣吳郡人

吳侍中領左國史高陵徐整謝万孫氏不詳何人揚泓天水人

亭侯爲晉諱改爲曜虞槃佑字弘猷高平人庾氏不詳何人殷

中事表宏字彥伯陳郡人東晉東陽太守

仲文陳郡人東晉車胤字武子南平人荀昶字茂祖潁川人東陽太守孔光字文泰東莞人何承天東海人宋釋慧琳秦郡人宋王玄戴字彥運下邳人明僧紹齊光祿大夫

右竝注孝經皇侃撰義疏先儒無爲音者

論語者孔子應答弟子及時人所言或弟子相與言而接聞於夫子之語也當時弟子各有所記夫子既終微言已絕弟子恐離居已後各生異見而聖言永滅故相與論撰因輯時賢及古明王之語合成一法謂之論語鄭康成云仲弓子夏等所撰定漢興傳者則有三家魯論語者魯人所傳即今所行篇次是也常山都尉龔奮長信少府夏侯勝丞相韋賢及子玄成魯扶卿鄭云扶先或說先先生太子少傅夏

侯建前將軍蕭望之竝傳之各自名家齊論語者齊人所傳別有問王知道二篇凡二十二篇其二十篇中章句頗多於魯論昌邑中尉王吉少府宋畸琅邪王卿御史大夫貢禹尚書令五鹿充宗膠東庸生竝傳之唯王陽名家古論語者出自孔氏壁中凡二十一篇有兩子張如淳云分子張問何如可以從政堯曰篇後以下為篇名曰從政新論云文異者四百餘字篇次不與齊魯論同者四百餘字孔安國為傳後漢馬融亦注之安昌侯張禹受魯論于夏侯建又從庸生王吉受齊論擇善而從号曰張侯論最後而行於漢世禹以論授成帝後漢包咸字子長吳人周氏不詳何竝為章句列于學官鄭玄就魯論張包周之篇章考之齊古為之注焉魏吏部尚書何晏集孔安國包咸周氏馬

融鄭玄陳羣字長文潁川人魏司空王肅周生烈熒煌人七錄云字文逢本姓唐魏博士之說并下己意為集解正始中上之盛行於世今以為主

鄭玄注十卷王肅注十卷虞翻注十卷何晏集解十卷譙

周注十卷字允南巴西人晉散騎常侍不拜陽城亭侯衛瓘注八卷少二卷宋明帝補闕

崔豹注十卷字正熊燕國人晉尚書左中兵郎李克集注十卷東晉人孫綽

集注十卷字興公太原人東晉廷尉卿長樂亭侯盈氏注十卷不詳何人孟整注

十卷一云孟陋字少孤江夏人東晉人東晉撫軍參軍不就梁覲注十卷天水人東晉國子博士

袁喬注十卷字彥叔陳國人東晉益州刺史湘西簡侯尹毅注十卷江熙集解

十二卷張馮注十卷字長宗吳人東晉司徒左長史孔澄之注十卷字仲淵會稽人

安太守新虞遐注十卷會稽人齊王弼釋疑三卷樂肇釋

疑十卷徐邈音一卷

右論語皇侃撰義疏行於世

老子者姓李名耳河上公云名重耳字伯陽陳國苦縣厲鄉人也

史記云字聃又云曲里人一云陳國相人生而皓首劉向列仙傳云受學於容成生於殷時為周

柱下史史記云為周守藏史或言是老萊子蓋百六十餘歲或言二百餘歲衆家皆云先為柱下史轉為守

藏史葛洪云文王時為主藏史武王時為柱下史或云老子在黃帝時為廣成子一云為天老在堯時為務光子在

殷時為彭祖在觀周之衰乃西出關周敬王時為關令尹喜說

道德二篇尚虛無無為劉向云西過流沙莫知所終班固云道家者清

虛以自守卑弱以自持此人君南面之術也漢文帝寶皇

后好黃老言有河上公者居河之湄結草為菴以老子教

授文帝徵之不至自詣河上責之河上公乃踊身空中文

帝改容謝之於是作老子章句四篇以授文帝言治身治

國之要其後談論者莫不宗尚玄言唯王輔嗣妙得虛無

之旨今依王本博采衆家以明同異

河上公章句四卷不詳名氏母丘望之章句二卷字仲都京兆人漢長陵三

老嚴遵注二卷字君平蜀都人漢徵士又作老子指歸十四卷虞翻注二卷王弼

注二卷又作老子指略一卷鍾會注二卷羊祜解釋四卷字叔子秦山平陽人

晉太傅鉅平成侯范望州注訓二卷字叔文會稽人吳尚書郎王尚述二卷字

曾琅邪人東晉江州刺史封杜忠侯程韶集解二卷鉅鹿人東晉郎中關內侯邯鄲氏注

二卷不詳何人常氏注二卷不詳何人盈氏注二卷孟子注二卷或

孟康字公休安平廣宗人魏中書監廣陵亭侯巨生內解二卷不詳何人袁真注二

卷字彥仁陳郡人東晉西中郎將豫州刺史張嗣注二卷張憑注二卷孫登集



注二卷

字仲山太原中都人東晉尚書郎

蜀才注二卷釋慧琳注二卷釋

慧嚴注二卷

陳留人本姓范宋世沙門

王玄載注二卷顧懽堂誥四卷

一作老子義疏節解二卷

不詳作者或云老子所作一云河上公作

劉遺民玄譜一卷

字遺民彭城人

想余注二卷

不詳何人一云張魯或云劉表魯字公旗沛國豐人漢鎮

南將軍

戴逵音一卷

字安道譙國人東晉散騎常侍太子中庶子徵不就

右老子近代有梁武帝父子及周弘正講疏北

學有杜弼注世頗行之

莊子者姓莊名周

太史公云字子休

梁國蒙縣人也六國時為梁

漆園吏與魏惠王齊宣王楚威王同時

李頤云與齊愍王同時

齊楚

嘗聘以為相不應時人皆尚遊說莊生獨高尚其事優遊

自得依老氏之言著書十餘萬言以逍遙自然無為齊物

而已大抵皆寓言歸之於理不可案文責也然莊生宏才

命世辭趣華深正言若反故其能暢其弘致後人增足漸

失其真故郭子玄云一曲之才妄竄奇說若闕弈意脩之

首危言游鳧子胥之篇凡諸巧雜十分有三漢書藝文志

莊子五十二篇即司馬彪孟氏所注是也言多詭誕或似

山海經或類占夢書故注者以意去取其內篇眾家竝同

自餘或有外而無雜唯子玄所注特會莊生之言故為世

所貴徐仙民李弘範作音皆依郭本今以郭為主

崔譔注十卷二十七篇

清河人晉議郎內篇七外篇二十

向秀注二十卷

二十六篇

一作二十七篇一作二十八篇亦無雜篇為音三卷

司馬彪注二十一卷

五十二篇

字紹統河內人晉祕書監內篇七外篇二十八雜篇十四解說三為音三卷

郭象注

三十三卷三十三篇字子玄河內人晉太傅主簿內篇李頤集解三十卷三十篇字景真潁川襄城人晉丞相參軍自号玄道子一作三十五篇為音  
卷一孟氏注十八卷五十二篇不詳何人王叔之義疏三卷字穆  
邪人宋處士亦作注李軌音一卷徐邈音三卷

右莊子

爾雅者所以訓釋五經辯章同異實九流之通路百氏之指南多識鳥獸草木之名博覽而不惑者也爾近也雅正也言可近而取正也釋詁一篇蓋周公所作釋言以下或言仲尼所增子夏所足叔孫通所益梁文所補張揖論之詳矣前漢終軍始受豹鼠之賜自茲迄今斯文甚矣先儒多為億必之說乖蓋闕之義唯郭景純洽聞強識詳悉古

今作爾雅注為世所重今依郭本為正

犍為文學注三卷

一云犍為郡文學卒史臣舍人漢武帝時待詔闕中卷

劉歆注三

卷

與李巡注正同疑非歆注

樊光注六卷

京兆人後漢中散大夫沈旋疑非光注

李巡注

三卷

汝南人後漢中黃門

孫炎注三卷

音一卷

郭璞注三卷

字景純河東人東晉

弘農太守著作郎音一卷圖贊二卷

右爾雅梁有沈旋

子約之

集眾家之注陳博士施

乾國子祭酒謝嶠舍人顧野王並撰音既是名

家今亦采之附於先儒之末

目錄

經典釋文卷第一

序錄

經典釋文卷第二

周易音義

經典釋文卷第三 古文尚書音義上起第一盡第五

經典釋文卷第四 古文尚書音義下起第六盡第十三

經典釋文卷第五 毛詩音義上起第一盡第六

經典釋文卷第六 毛詩音義中起第七盡第十五

經典釋文卷第七 毛詩音義下起第十六盡第二十一

經典釋文卷第八 周禮音義上起天官盡春官下

經典釋文卷第九 周禮音義下起夏官盡考工記下

經典釋文卷第十 儀禮音義

右中帙十卷

經典釋文卷第十一 禮記音義之一起第一盡第五

經典釋文卷第十二 禮記音義之二起第六盡第十二

經典釋文卷第十三 禮記音義之三起第十一盡第十五

經典釋文卷第十四 禮記音義之四起第十六盡第二十

經典釋文卷第十五 春秋左氏音義之一起第一盡第五

經典釋文卷第十六 春秋左氏音義之二起第六盡第十

經典釋文卷第十七 春秋左氏音義之三起第十一盡第十五

經典釋文卷第十八 春秋左氏音義之四起第十六盡第二十

經典釋文卷第十九 春秋左氏音義之五起第二十一盡第二十五

經典釋文卷第二十 春秋左氏音義之六起第二十六盡第三十

右中帙十卷

經典釋文卷第二十一 春秋公羊音義

經典釋文卷第二十二 春秋穀梁音義

經典釋文卷第二十三 孝經音義

經典釋文卷第二十四 論語音義

經典釋文卷第二十五 老子音義

經典釋文卷第二十六 莊子音義  
上內篇七

經典釋文卷第二十七 莊子音義中  
外篇十五

經典釋文卷第二十八 莊子音義下  
雜篇十五

經典釋文卷第二十九 爾雅音義上  
上中二卷

經典釋文卷第三十 爾雅音義下  
下卷

經典釋文卷第一

經九千九百九十二字  
注六千一百二十九字

